



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Profugium.

**urn:nbn:de:hbz:466:1-14259**

Ad Verbu  
Macro. lib.  
Sat. 1. c. 7.

Ara in nu-  
mis pluri-  
morum.

Nimirum  
Varro Di-  
vinarum  
libro 5.  
Et clarus  
l. 3. de nat.  
Deo.  
Quod vo-  
cum facere  
non potest  
tanquam  
in aram  
confugit  
ad Deum.

Divini silentii ratione habita, cultus apud Aegyptios Spiritibus & beatorum animis laudes adhibebant. Coelestibus materia constantia, quae scilicet similitudine aliqua ad eos facere viderentur, ut ignem Solis & huiusmodi pleraque toto hoc hieroglyphicō opere perquisita; malis vero demonibus ne nocerent, vel ut eorum impuritas arceretur, libaminibus & nidore carniū faciebant. Ceterum Aegyptii veteres pecudibus aut sanguine præclare Deos semper abhorruerunt, precibus & chore solo contenti. Aegerunt vero eos Ptolomæi sacra Saturni Serapidisq̄ fuscipere, quod facere coacti, fana eorum extra pomœria posuerunt, quibus hostiæ de more maciari debebant. Quamquam illaudato Busridis exemplo, homines postea immolari coceptum, cum is apud proxima Nilo loca tyrannidem occupasset. Sed quod ad aras & pietatem attinet, in numis T. Aelii Cæsaris Antonini simulachrum est utraq̄ manu passa, ara apposta, cum inscriptione, PIETAS. Manus porro passa, ut in Cynocephali Commentario docuimus, adorationem significant. In Hadriani Augusti idem simulachrum eodem habitu, ab cuius uno latere Ciconia adfit de qua loco suo: ab altero ara est corymbis ornata inscriptio, PIETAS AUG. In numo Divæ Augustæ Faustinae simulachrum est, quod læva pallam sustentat, altera in ignem, qui de pulcherrime facta ara promicat, libamina porrigit, cum inscriptione, PIETAS. Est & ara posita ante signum, in cuius manu patera est libationi parata in numo Lucillæ: inscriptio, PIETAS. Eadem inscriptione pietas ipsa in Antonini numo dexteram exporrigit passam, læva in subiectam aram libat. Illa porro passa dextera, adorationis, ut alibi loco suo declaravimus, indicium. Supplicationes porro fieri solita, aut cum vota facimus, aut cum damnati votis gratias agimus. Hinc alia atque alia inscriptiones in numis inveniuntur, omnes tamen ad pietatem ipsam referuntur: sive divini numinis auxilium imploremus, sive vota persolvamus. In Juliae Piae Felicis Aug. numo signum est læva pallam in ulnam sustollens, dextera in aram porrigens: inscriptio, VOTA PUBLICA. At in Adriani numo cernere est duo simulacra, quorum stat unum ipsius Imperatoris effigie, alterum læva palmae furculum tenet, dextera pateram offert Principi: inscriptio, ADVENTUS AUG. Est & Domitiani numus cum ara & igne super accenso, cuius inscriptio est, PRINCEPS JUVENTUTIS. Pulcherrima vero omnium, quas viderim, ara est in ipsius Cæsaris Domitiani numis, in quo anas illas, unde ara nomen nonnulli volunt, apertissime licet intueri.

PROFUGIUM. CAP. XIV.

Fuisse vero aras apud veteres, uti etiam nunc sunt sanctioris asyli loco, nulli non exploratum est. Hinc apud Maronem Priamus, omni alia salutis spe abjecta, ad aram confugit, cui dixerat uxor: *Hec ara tuebitur omnis.* Et M. Tulli dictum pro Roscio Comædo: *Sicut in aram confugit ad huius domum.* Et apud Terentium: *Nemo te accusat, Syre; ne tu aram tibi, aut deprecatores pararis.* Et Ovidius de tristibus:

*Unica fortunis ara reperta meis.*

MISERATIO. CAP. XV.

Apud Athenienses ara peculiaris fuit miserationi sacra, de qua Papinius Poëta, & Lactantius Grammaticus, neque non Apstinus in Rhetoricis, meminere: & Plutarchus libro de Superstitione, *Ψόξιμον βωμόν* eam appellat. In profugii sane significato Vestam pro ara poni apud Xenophontem invenias rerum Græcarum libro secundo: *αὐτὸς οὗτος ταῦτα ὁ θεομύνης, ἀνεπίδησεν ἐπὶ τῆς ἑστίας, Hac cum Themmenes audisset, ad Vestam sibi profugium paravit.* Et ara, accersa, sacrificalis ara Vesta est Polluci, præcipue vero quæ in Prytaneo fuit, ubi inextinctus ignis aservabatur. Et triginta curiarum Vesta collocata apud Dionysium Halicarnasæum antiquitatum secundo. Tale quiddam & apud Tranquillum in Tiberio.

Βοιμὸς, ἡμιεστία

